

湘

真

閣

稿

湘真閣稿卷之三

華亭陳子龍懋中著

七言古詩

秋月篇

明月起天隅。輕雲飛漢水。初映朱門十二樓。俄  
通紫塞三千里。海上瓊蟾浴已過。天邊玉萸葉  
還多。瑟瑟清風吹桂魄。沉沉碧落委金波。金波  
桂魄知何處。蘭葉蓮房滿香露。烏鵲橋成濕不  
飛。鴛鴦瓦凍光難度。綺閣纔分半榻輝。玉塔漸

吐中庭樹。此日長安重狹斜。青絲聯騎晚相誇。  
置酒先過魏其宅。徵歌還到富平家。第宅連雲  
藏宿燕。樓臺如鏡起驚鴉。公子爭騎五花馬。美  
人偏坐六萌車。只有班姬經歲別。九秋統扇西  
風發。長信堦前黃葉翻。層城宮裏玄蟬歇。屈戌  
霜濃門半開。轆轤水冷聲頻咽。漫下晶簾薄似  
雲。愁懸夜砧光如月。城南少婦垂爲床。可憐夫  
婿在遼陽。黃龍幕色沙無數。白鴈秋來字幾行。  
將軍昨夜登平虜。都尉今朝又護羌。玄菟城邊

方入夢。臘脂山下更迴腸。願學浮雲生羽翼。願  
逐流星走南北。吹笳萬里盡邊聲。搗素三年迷  
雪色。織成文錦思縱橫。裁得流黃淚沾臆。燈前  
香燼玉爐寒。窻外烏啼金剪濕。玉爐金剪夜漫  
漫。白草黃榆接漢關。紅顏朝氣經時落。青塚寒  
雲竟不還。箏篋淒清秋愈繁。琵琶哀怨夜雙彈。  
獨憶漢宮人寂寞。那堪胡地斗闌干。與君心期  
展懽燕。朝朝暮暮常相見。定遠弓彎太白高。盧  
家鏡破纖阿轉。空熨衣香白玉堂。空填寶飾黃

金鈿纖手愁翻銀甲長。青蛾歛坐冰綃卷。銀甲  
冰綃枕簟愁低昂。織女漢西流。天上風光終不  
夜。人間離別慣經秋。虛傳靈藥長生術。不見澄  
輝每夕留。只有今宵滿三五。清光應是共涼州。

長相思

美人昔在春風前。嬌花欲語含輕烟。歡倚細腰  
軟繡枕。愁憑素手送哀絃。美人今在秋風裏。碧  
雲迢迢隔江水。寫盡紅霞不肯傳。紫鱗亦如嬋  
娟子。勸君莫向夢中行。海天崎嶇最不平。縱使

乘風到玉京。瓊樓群仙口。語輕別時餘香在君袖。香若有情尚依舊。但令君心識故人。綺窓何必常相守。

當爐曲

迢迢芳草長安路。千里飛花繞春樹。紫騮燦電追東風。却望朱樓驕一顧。胡姬綺繡鳳凰紋。酒濃如霧人如雲。玉鞭隔座爲君取。金盃銀餅手內分。白日躑躅向何處。紅羅香滿不須去。春宵苦短君莫愁。此樹烏啼天未曙。

烏夜啼

邊城蚤閉烏欲棲。朔風吹角行人迷。此時無燈掩羅幔。珊瑚鈎落敲銀蒜。子夜月明莫更啼。夢到金微路將半。

上巳行

春是十里曉雲生。春江一曲暮潮平。紅蘭綠芷遙相對。油壁青驄次第行。洛水橋邊閑春殿。碧山翠靄廻芳甸。陌上綺羅人若雲。城隅桃李花如霰。少年躍馬珊瑚鞭。道逢落花驕不前。已教

步障圍烟霧更取東風送管絃  
雷柳無人臨古渡娟娟獨立寒塘路  
公子空貽芍藥花佳人自愛櫻桃樹  
又有青樓大道傍樓中紅粉不成粧  
萬里黃龍誰出戍三年紫燕獨歸梁  
晚下珠簾垂玉筍盡日凝眸芳草處  
無限雕鞍逐艷陽誰識郎從此中去

8 悲濟南

北風蕭蕭歷下城千樓萬雉何崢嶸  
城頭老兵獨擊柝官中美人雙彈箏  
吹角鳴笳來大野橐

馳喂食宮門下珠簾玉檻美容池雜沓黃昏飲  
胡馬朱邸諸王宮錦袍玉顏隆準填蓬蒿血汗  
清泉流不得白鳥暮噪蒼狐嗥紅粉青蛾今在  
否黃塵晝暗穹廬高琵琶一聲漢家曲梁父不  
見心徒勞春來東望長太息更聳此語淚沾臆  
旗仗旌旄何處尋滿城風雨生荆棘天子方  
隆魯衛恩諸姬豈盡藩維職海岱愁雲黯淡間  
應使皇情更淒惻

○ 檀州樂

檀州使宅夜開宴。伎樂紛紜擬天饌。簾垂紅錦  
附璫瑜蠟和沉香。焚甲煎。猩唇熊白不知名。碧  
玉黃金滿深院。誰其坐者中貴人。盤龍織綺穩  
稱身。賜炙傳呼動千騎。上壽逡巡來九賓。漁陽  
老將邯鄲兒。競前昵昵誰最親。皆言禁中出頗  
牧。指揮萬里無烟塵。山頭嵯峨烽火絕。此時胡  
雛窺漢月。明駝快馬凌風雪。帳前健兒沙中血。  
迴首華堂燈未滅。

東臯草堂歌

東臯草堂者給諫瞿稼軒先生別墅也  
丙子冬奸民奉權貴意訐錢少宗伯及  
先生下獄賴上明聖越數月而事得  
大白我友吳駿公太史作東臯草堂歌  
以記之時予方廬居駿公以前歌見寄  
因爲屬和辭雖不工而悲喜之情均矣

虞山巖水飛不息虞山先生高卧日黃門從此  
亦拂衣東臯平田二頃微翳然林木草堂靜單  
衣白帽娛金徽高談王霸神清竦江風獵獵黃

雲動當時有口每借人公業傾家非自奉應是  
清流同調多豈關失職交相重江湖何與中書  
堂當門厭爾多芬芳田蚡久欲更延辯朱金居  
然來上章十年放逐念京雒可憐入國雙銀鐙  
豈惟松桂無顏色長安城中煙霧塞金吾吏向  
閣門歸告審人從丞相揖但令深文一獄成何  
難鉤黨千家及君王神聖揮太阿此曹深計  
空蹉跎左掖門邊十步地那知一往如流波舊  
疾雖痊留不得七月秋風下路河道旁小兒擊

手罵掩耳莫聽吳人歌  
大街陳屍誰氏子相公  
殺汝可奈何嗚呼男兒  
全身良不易自稱騎虎  
終難事可惜數載黃扉  
人未識千秋青史字何  
如草堂突兀山之陽七  
檜偃蹇雲蒼茫飛觴樂  
聖凌滄浪吾聳檻車開  
一匡胥靡霖雨興殷商  
生平報國殊未央草堂  
何得常徜徉

萬卷樓歌爲王子彥賦

王郎淵雅靜者流百城  
高擁何所求坐中半傾  
名下士携我獨登萬卷  
樓武庫森然見經史劉

家七略安足比過江文獻在瑯琊豈獨簪纓長  
淮水文苑相傳盛  肅皇爾祖尚書與奉常東  
吳二美氣無敵中原鞭弭先翱翔當年此樓入  
侑儻矯首千秋共欣賞論文欲抗兩京間把酒  
時呼五湖長五十年來事已非文藻風流尚堪  
想我爲王郎傾百杯鳳雛驥子皆奇才邗溝芙  
蓉旣寂寞濟南白雪成蒿萊驚君才致多英特  
滿堂賓客皆顏色代興寥寥知者誰俯仰此樓  
三嘆息

春日行遊城南作

東風搖蕩吹紅樓樓上人遊南陌頭雲暖烟輕  
春脉脉極浦心傷芳草碧小徑桃花開夜關欲  
捲朝霞炤行客荒園畫閣歸自歌飛花滿林人  
奈何一生常爲艷陽苦幾夜能留明月多此時  
玉窓掩烟霧踟躕三回楊柳路何處愁心堪贈  
人盡日焚香待春暮

二月十五夜

輕舟綠浦揚春衣晚來風急花亂飛月輪欲上

烟霏霽。高樓遙望。明燈微。小港長楊弄。薄暉橫。  
波清淺。人夜歸。美人無語。垂羅幃。欲眠不眠。撫  
金徽。撫金徽。悵何已。象床繡被紅。若雲六尺銀  
屏。漏沉水。春夢驚回。風雨多。攬衣起。坐玉窻裏。

東郊卽事同謝褪玄宋轅文

春風未踏東郊道。纔到東郊見花好。布席偏當  
桃李。蹊莫放落花沾細草。與君薄暮登高臺。平  
川十里春雲開。朱樓倒影蕩落日黃。鴛紫燕光  
徘徊。

蜀山行

君不見蜀山巖巖侵青天懸崖棧閣相綿連猿  
鳥欲度心茫然下有江水山沒鳴潺湲陽平將  
吏皆晏眠烟塵慘澹通秦川褒斜駱谷如風旋  
此等豈有五丁力攀林越澗無中堅但傳長吏  
棄印綬更聳大將旂旂西南誰人司鎖鑰坐  
擁雄兵守劍閣賊師已渡枕席上翻遣材官救  
城郭嗚呼益州本沃野中有錦官城樓臺十萬  
春鳴箏美人濯錦江水明三月三日渠中平千

里杭稻萬寶成。卽今岷峨氣蕭索。豺狼塞路無  
人耕。瞿塘東閬山北。其中富貴華陽國。前有子  
陽後李特。可憐此輩皆庸奴。誰人爲抽金僕姑。  
掃清井絡民。賜租勒銘絕蠹消雄圖。

○

送楊伯祥還豫章

閬門雪花飛十日。津頭樹折江波立。美人扁舟  
玉袖寒。飲我百杯壯顏色。自言清時方罷官。西  
去翻然拂釣竿。香鑪春陰松檜薄。潯陽月黑蛟  
龍蟠。雷雨冥冥來窈窕。蕙綢羅帶山之端。憶昔

胡兒滿畿甸。燕山吹沙暗。河縣君也發憤上封  
事。夜半宣呼紫宸殿。匹馬自逐漁陽兒。晨馳趙  
壁如飛電。邯鄲城南畫草檄。滹沱河旁夜傳箭。  
王師二月盡驅胡。三十六軍隨羽扇。吁嗟我謀  
適不用。坐使胡兵穿塞便。男兒不願生封侯。但  
願當世無百憂。眼中不見讒諂士。杖藜飽飯何  
所求。西望空濛數千里。北流浩浩章江水。君歸  
讀書雲壑裏。托迹何須混鹿豕。逃名未免公輔  
望。端居尚負蒼生恥。異日徵書下傳巖。應有三

篇獻天子

題楊龍友倣襄陽雲山卷歌

巨靈驅却郟中山移將烟霧留人寰滿堂雲氣  
動虛壁流湍隱見聲潺湲昨夜有人山中還拂  
筇便欲相追攀但見千山萬山濕不盡杳冥迷  
離白日間龍眠山人腕欲脫襄陽漫士天機活  
神姿出塵自蕭灑筆底空蒙見雄闊自稱氣韻  
跨千古俗格詎使荆關奪泗水沈淪五百年雲  
山滿眼無人收楊郎盤礴神遠游歌袖揮灑天

爲愁森然欲呼鬼神出玄猿青兕中淹留米家

橫掛銖鉞惜新展吳綾百餘尺

米畫不過三尺今作長圖

洞虛無松檜長深巖窈窕龍蛇坼茅屋高寒少  
行迹出門浩浩雲濤積中有人兮歌白石此處  
雲林安哉哉年年絹素生蒼苔天姥峰頭丹欲  
就若耶溪邊花正開珊瑚爲杖玉爲屐攜手與  
君歸去來

平原有懷顏魯公

漁陽突騎從東來河朔百城皆盡開平原孤壘

獨嶽立逆徒爲之乂徘徊清河少年亦奇士義  
聲一日徧九垓嗚呼此地胡塵飛不息高牙大  
纛無顏色君不見顏家太守未知名開元天子  
不相識

寄密雲趙匡谷中丞

潮河川南塵漠漠牆子嶺頭夜吹角檀州健兒  
逞一戰殺氣昏騰滿幽朔趙公司馬尚書郎虬  
髯援臂氣莫當爾時主儿臨明光召來論事聲  
激昂颯然一騎遍三協歸來未卸鐵裊襠至尊

色喜催賞賜鴉翎寶鈔內錦裝高牙大纛盧龍  
幕悉護諸軍九關鑰平原公子本雄豪金城老  
將多方略倚劍長看古北雲移兵欲斷黃崖壑  
飲飛白日捉生歸小隊黃昏射鵬約秦家築塞  
古應稀漢室和親事已非昔日長纓懷壯志此  
時白羽公當揮春風運轉亾胡月馬毛如蝟膠  
弦折黃金羅綺百橐駝回首紅妝盡嗚咽可教  
萬騎輕兵掣骨都當戶翻然滅男兒封侯豈奇  
絕當使風烟靖遼碣憶昔射策遊皇都周旋

豫章諸大夫坐中袁侯

袁憲副  
臨侯也

與楊子

楊太史  
伯祥也

共公轟飲常歡呼袁侯方平漢南賊楊子獨身  
取單于况有開府佩虎符社稷頗賴群公扶伊  
予躑躅愁江湖何時麟閣分畫圖

### 贈孫碩膚職方

昔日武皇八駿雲飛揚吳楚逆氣纏豫章孫許  
之節爭三光姚江流慶獨綿邈四世七葉何煒  
煌前有平韋後袁楊孫郎天矯廟廊器神姿豁  
達驚人意曩時偕我游金門慷慨激昂嘗論事

崇文街上月中行靜業寺前花下醉水曹自弄  
秣陵雲緘書幾度加餐字漁陽九月風蕭條胡  
塵晝暗桑乾橋畫沙借箸古來少長鎗大箭徒  
逍遙據鞍飛檄問九塞攜燈草奏通雲霄可憐  
萬馬長城窟銳頭奚奴射漢月太行綿綿野火  
青黃河茫茫春草沒天子宵衣念胡羯秘計  
深謀向誰發子房幃幄不專將博陽案邊能倉  
卒知君春殿曉鳴珂談笑風烟淨九河我歌江  
漢繼周雅汝稱召祖銘琬戈

秋雨過真娘墓

闔閭城西風雨秋真娘墓前松栢愁滿川烟草  
陰蟲路古岸楓林丹鳥度昔時羅綺嬌春風橫  
塘十里桃花紅美人自比越溪女上客曾賦吳  
王宮玉顏銷落霜華早荒原常對胥臺草千年  
有客私自憐暮雨冥冥舟不前

湘真閣稿卷之四

華亭陳子龍懋中著

五言律詩

立春前一日雪中集龍潭舟次

樓船投極浦  
大野舞迴風  
獨樹虛無裏  
長河黯澹中  
迎春金縷重  
緩夜玉杯空  
共惜華年去  
更聞燭影紅

戊寅元日

平明開淑景  
雲物媚新年  
曉日朱霞外  
春風碧

樹前雄心銷齒馬捷足敢憐螭莫厭鶯花事寥  
寥守太玄

其二

自覺滄江穩猶思上苑春重輪符帝子

今春

皇太子出閣

五色盡賢人豺虎無寧歲鸞駕莫

愛身昇平應不遠番拱理三辰

蚤春遊莫東王璽卿東園

別墅東郊道春暉起薄陰曲樊微徑出亂木小  
闌深竹勢廻岡接花源隔水尋便生濠濮想疎

館獨鳴琴

其二

拂拭朱門貴幽然物外情碧雲搖暗雨紅藥媚  
餘晴平野華堂迥寒花絕澗明最憐無粉澤一  
往見澄泓

戊寅七夕病中

又向佳期臥金風動素波碧雲凝月落雕鵲犯  
星過巧笑明樓迥幽暉清簟多不堪同病夜苦  
憶共秋河

夜泊鹿城

孤舟投寘色倚檻薄寒生古木昏雲氣微香入  
暮情繁星搖極浦斜漢轉嚴城縱飲不能寐秋  
風北雁聲

同舒章晚泊黃浦

南浦微風動茫然扈壘秋寒潮天際出落日海  
西流草樹津雲合入煙朔吹收可憐舟楫夜咫  
尺近滄洲

石齋先生築講壇於大滌山卽玄蓋洞天

也予從先生留連累日

明湖連暮靄積翠萬重山九折泉聲亂千峰雲  
氣閒尋真窮石室卜築掩松關尚有蒼生慮高  
談夜未還

其二

夫子辭金馬君恩萬里遊講壇依日月福地少  
春秋窈窕巖花落空濛玉乳流此中堪大隱何  
計訪披裘

其三

傳聲玄蓋洞遠接具區流尚與人間近疑從天外遊  
玉芝丹竈夜石鼓碧雲秋不見群真會相攜到十洲

其四

龍卧非閒日鴻飛亦有年蓋棕臨碧澗種藥引紅泉  
猿虎窻前度星辰谷口懸翻愁山鬼意寂寞對嬋娟

其五

三山迷漢使更起白雲壇環佩天風蒲旌旗海

日殘草侵群帝靜月度九霄寒惆悵乘鸞女焚  
香獨夜闌

其六

或默還無意賞心空自知鹿脚塔草遍龍起嶺  
雲遲金石歌商頌蘭蓀寫楚辭美人烟樹外愁  
絕好佳期

其七

本是行吟侶翛然意不群簾垂天柱雨樓斷海  
門雲匪兇存吾道披鱗樂聖君明時多夢卜

蚤晚欲相聳

其八

小雅原無怒高真尚有情  
仙人星作佩弟子玉爲名  
山遠禽聲斷冬晴木葉輕  
風塵天地外俯仰已心驚

輓侯文中

之子華宗彥清標得令名  
琳琅真獨立羅綺不勝情  
淳行諸儒重玄言舉座傾  
春風搖落後彷彿念生平

其二

南國多英俊如君雅度希風規何太整名教樂  
相依玉樹悲黃土金庭問紫衣更增山簡慟翻  
覺達人非

文中爲予友雍瞻子  
風儀整秀規簡貞令

浦口觀潮

北風吹廟口斷岸落蕪葭海氣兼秋盛江雲夾  
日斜檣帆迎疊浪鳬雁沒圓沙掛席舉蘅杜乘  
流晚到家

舟發金陵宿儀真

芳草斷中流。連峰出澗州。潮迎雙槳慢。日照片帆收。入雒慚初服。橫江數壯遊。可憐回首地。痛飲石城樓。

其二

三月風濤暮。滄江萬里情。浮雲生采石。春色斷蕪城。淮甸開王服。吳關鎖舊京。烏啼今夜月。分得故園明。

河上逢李暎碧給諫謫還

莽莽平原盡。荒荒落日過。飢風吹白麥。崩岸走

黃河憑軾投瑤草班荆動玉珂一聳京雒語倍  
使客愁多

桃源夜遇鄭超宗落第還維揚

相逢班馬鳴三月出王京秉燭黃河岸悲歌下  
相城風雲雙闕暗花柳半江明突兀金臺上知  
君最不平

宿遷

寂寞鍾吾國荆榛項籍臺霸圖三楚盡王氣九  
天開坼地黃河出經漕白羽催朝宗今不改空

清真閣有  
六  
憶濟川才

途中

不識宦情薄驅車今若何  
交徐荒草濶淮泗大  
風多擊枰空村卧于茅  
廢井過遙思故園在明  
月滿藤蘿

淮北憶家

微祿我寧羨辭親入帝鄉  
不知行旅地何處倚  
閭望夢度淮雲小心隨越鳥  
長萋萋芳草路無  
地不迴腸

其二

失策在天涯驚心感物華江天多宿雨魯國但  
飛沙梅子黃銀熟桐陰碧玉斜夜闌長不寐何  
計夢還家

其三

我家谷水上暮色碧雲端朋好長攜手高談指  
歲寒離群時態異旅食衆人看此日一尊酒誰  
憐行路難

雨後發下邳

雨過下邳城林端霽色平嶧陽含宿霧泗水動  
微明征馬浮雲氣離人芳草生橋邊有黃石惆  
悵不勝情

將至嶧縣

明發望仙臺青峰斷復迴一川烟草潤千礪石  
林開埃吏閒雞度山農抱犢來紅顏不可見倚  
柱至今哀

卽魯漆室地

嶧縣

四嶺起層陰孤城接茂林鵲巢春樹迴馬度夕

陽深絕坂野花落平橋亂水侵防胡猶此地危  
堞動邊心

見城上守具尚存

### 兗州

東藩冠帶國魯郡舊名城雷雨秦碑暗星辰孔  
壁明危旌荒草動畫角海雲生落日關門閉翩  
翩雙燕輕

### 汶上

海岱色蒼然風迴萬木連雲深鉅野澤雨隔汶  
陽田歸燕愁兵氣勞人惜壯年何來遊俠子羨

爾玉爲鞭

東平

陵谷何紆曲平盧雄鎮開幕雲橫戍嶂春色斷  
烽臺省霜驚胡騎菁蒿薦客盃樂郊還可賦誰  
繼阮生才

過東阿懷曹子建

文苑風流散賢王池館空應劉存古誼吳蜀耻  
奇功嶽樹春雲外漳河暮雨中最憐不得意睽  
盼雒城東

過在平有懷馬周

賓王慷慨士落魄向長安不作將軍客誰邀天  
子看棄繻函谷易買駿華陽難此日方開館何  
年更築壇

首霜

荒雲連首霜已傍戰場開不向宛城閉偏宜漢  
苑栽邊愁生馬邑春色斷龍堆何日嫖姚將親  
驅汗血來

經高唐傷早

胡塵吹不息旱魃爾何威四月無春草千村唯  
落暉狐群祠已廢狼跋野應稀

北人以狼多爲年豐薄伐

誰能詠昭回帝自祈

德州

景德原通北衡漳流自西子帆津樹合萬井曙  
烟迷蔓草燐能炤空林燕不棲周餘無野哭聖  
世有雲霓

交河

鳥啼征馬動曙色散滹沱海氣通三島天風靜

九河沙平邊草斷日淡塞雲多  
百里無烟火空邨客自過

蘆溝新城

赤縣山河壯青郊版築新  
旌竿千嶂逼鼙鼓萬人屯  
雉堞開天市虹橋出漢津  
應知非設險翼衛軫王氏

渡馬頰

長薄緣終域中流馬頰河  
平沙喧佇立野艇漫經過  
高樹涼颼蚤陰巖返照多  
吾纓聊可濯日

側倚青蘿

濟上立秋

濟西驚一葉涼雨滿東州在渚蒹葭落荒林鵲  
鳩愁風雲生大澤笳吹發中流蕙草空相憶誰  
憐白露秋

其二

春辭蘭渚凍紅藥繫青驄別久成荒草歸期逐  
塞鴻輕雷殷鉅野急雨過龜蒙况值相思夜秋  
風萬里同

秋歸涉黃河

秋水下龍門，黃河九曲渾。  
西來浮日月，南徙劃乾坤。  
群燕盤渦掠，千帆折溜奔。  
茫然思禹迹，何處是崑崙。

其二

揚舲濁浪起，掛席晚風多。  
氣壓清淮水，泓橫滄海波。  
秋陰沈大野，落日蕩長河。  
繁吹生遙夜，中流發櫓歌。

其三

銀漢掛邊城。黃河入塞行。南溟愁吐納。西極想  
澄清。黃河源本清。合他流始濁。悌鱗魚龍氣。飄零鳥鵲情。秋  
來破浪意。翻爲望鄉生。

五言排律

傷春

河北烽烟地。江南花柳春。經年愁戰馬。百驛少  
行人。謀國無楨榦。憂時獨隱淪。蕭條搖白草。熠  
燿滿青蘋。海岱風雲變。幽燕壁壘新。長安消息  
斷。中夜望鉤陳。

其二

畿輔瘡痍遍關河慘澹中狐狸啼落日荆棘長  
春風星隕牙旗動沙飛營幕空 詔書頻指授  
使者日倥偬氣息凝諸老憂勤憶 聖躬何時  
求猛士倚劒海雲東

其三

東秦稱勝地歷下本名都不用飛書入相將捲  
甲趨碧泉休虜馬紫殿飲羣胡郡主填甃井王  
孫泣路隅衣冠齊魯盡藩翰畢毛孤繞郭無人

見蒼茫城土烏

其四

閩外嘗推轂元臣自請纓何煩中使節  
悉護九邊兵春暝龍蛇閩風霾滄海獄  
傾始知甲金貴漸覺簡編輕  
撻伐真無計征輸亦有名安危憑將相  
黽勉効昇平

其五

漢塞依重險胡兵去不難黃金東海盡  
紅粉北庭寒誤國辭膏斧安邊更築壇  
百城新鬼大三

月野花殘祖述思橫楫逢萌憶掛冠從來籌出處莫作冥鴻看

贈吳駿公太史克東宮講官

蒼瑯開震域青殿接文昌霞氣騫玄圃瓊條拂  
畫堂選端周典禮拜傳漢元良史職移仙省官  
寮總帝鄉金貞儲后重玉立侍臣莊羽籥傳  
秋實詩書出尚方夏侯經術茂皇甫素懷芳鷄  
戟青槐蔭龍泉碧藻香珠蓮叅晚讌璧月照春  
坊卞賦情文稱王箴忠愛長一時推碩德萬國

仰重光愧我羊裘側思君象輅旁臨風疏館靜  
遙夕可相望

遊雲棲寺

昔賢開寶地佇錫此何年獨剪颺颺境還依薜  
荔天晒經丹樹杵米白雲邊制虎移新穴驅  
神鑿舊泉吳山襟壯氣越國面晴川花甌殊方  
貢珠幢上苑傳鹿仙叅玉座龍女墮金鈿超乘  
人皆學焚修可自堅西歸無了義東度卽因緣  
化域空三界門徒落四禪青菰成宿飽翠竹冷

餘眠更禮支公塔鐘聲起暮烟

靈濟宮

向欲和獻吉詩而未成也讀舒章作遂  
追賦之

絳樹蓬萊近紅牆銀漢中南臺分御氣西內接  
仙宮族自昇州大靈因閩海功識符移法像授  
藥感皇躬泰一新祠貴神君議禮崇冕旒雙  
輦月旗仗滿庭風碧瓦寒金狄朱闌落彩虹銀  
鍤搖鐵鳳鉛粉剝華蟲鶴下星壇白龍垂內錦

紅元妃張翟羽侍女靜雕蘖汗漫逢天使虛無  
問鉅公琅書原共秘丹鼎幾時空宗伯明禋正  
倪文毅公曾論罷其祀 今皇聖德隆陳倉迷寶蹟緱氏

失神工祀典修辭異朝儀引奏同

近以朝天宮災習儀於此

升聞端拱足無事訪崆峒

上董邃初少宰

統均崇上佐會府聚名賢執法星移近

董以副院轉

文昌地自偏春陰聯小苑秋月朗經天盧毓論  
才正山濤得士全九流歸藻鏡八統助薰絃卿

宰爲龍日君王買駿年風雲應鼓蕩人物賴弘  
甄綠野冥鴻盡高崗鳴鳳旋計功觀式序咫尺  
泰階前

贈錢牧齋少宗伯

漢苑文章首先朝侍從賓三君同海嶽一老是  
星辰作直稱遺古推賢更得隣當時客漸進文  
舉氣無倫陳寶園中土蕭劉澤畔人蟬蛸喧日  
夜蘭桂歷冬春舊學商王重清流漢史均范宣  
誰讓晉衛鞅欲專秦獨指孫弘被仍污庾亮塵

十年耕釣樂七略較籌新當戶無芳草洪流逸  
巨鱗睚眦流訛訛釣黨極申申告密牢修急經  
營偉節神霜華飛暑月劍氣徹秋旻明主終收  
璧宵人失要津南冠榮袞繡北郭偃松筠艱險  
思良佐胥靡得大臣東山雲壑裏朝晚下蒲輪  
寄吏垣張給諫訥叟

給諫以兵事疏薦  
于有知己之感

漢苑金波靜燕關玉樹迤近承門下省獨對仗  
中天青瑣通機禁黃封拆御筵龍顏頻顧眄豹  
尾日周旋諷議推平子圖書識茂先六羸秋月

動千雉晚烽傳騎士皆乘障良家悉備邊兩宮  
監衛尉八較托中權賴有揚于戣應知卻穀賢  
法川靡獨濟管庫豈能捐魏倩接奇日韓增得  
士年有臺求驟裏飾畫問嬋娟落拓慚封牒迂  
疎誤簡編可憐細草嘆無益大風篇日月多高  
議江湖惜晏眠尋仙歌白石射虎憶藍田州郡  
誰嫌屈君親各自然寂寥楊子宅慘淡祖生鞭  
遇主方加膝酬恩望仔肩安危任公等蚤晚靖

胡炯

湘真閣稿卷之五

華亭陳子龍慙中著

七言律詩

古意

蟾○翫○邊○頭○霜○葉○飛○鳳○凰○樓○上○憶○征○衣○不○知○戰○馬○  
經○年○別○但○見○孤○鴻○每○夜○歸○鏡○裏○秋○風○吹○玉○筋○夢○  
回○明○月○墜○金○微○莫○愁○今○歲○無○消○息○聳○道○龍○城○已○  
解○圍○

〇〇 其二

清真月不  
賤妾新居紅粉樓狂夫偏逐勍軍僕三春無艸  
黃河曲六月飛霜青塚頭秦地烟花連夜發邊  
庭音信隔年收縱然奪得燕支塞十五容顏不  
可留

〇〇 其三

初聳遣卒戍漁陽又報徵兵赴朔方邊柝亂傳  
千里月苑砧重拂九秋霜帛書望斷黃榆塞錦  
字空裁白玉堂不見誰家麟閣上年年遼海失  
鴛鴦

遼事雜詩

昔年游俠滿遼陽  
吹角鳴鞭七寶裝  
帳下紫貂多上客  
樓前白馬度名倡  
椎牛屬國開新市  
射虎將軍獵大荒  
李氏家聲猶帶礪  
斷垣落日海雲黃

其二

三韓內屬本神州  
女直歸巢萬馬秋  
玄菟烽烟迷月色  
黃龍鼓角起邊愁  
閼氏去後東胡盡  
趙信封來南幕收  
自此乾坤多戰鬪  
度遼何處問

金甌

其三

二月遼陽大出師無邊雲鳥盡東馳烏鳶暗集  
三軍幕風雨驚傳兩將旗長白峰高塵漠漠渾  
河水落草離離國殤毅魄今何在十載招魂竟  
不知

其四

遼東左臂拱神京遼水中分守將兵乘障虛傳  
光祿塞和戎未保受降城幹羅白骨愁胡騎木

葉黃雲捲漢旌經撫可憐皆失策更煩浮議滿  
承明

其五

榆關咫尺望胡天屯築遼西更幾年滄海北連  
秦障塞營州東斷禹山川黃金輦下征輪盡紅  
袖軍中歌舞偏投筆競誇邊將貴莫令埃火近  
甘泉

其六

蓬萊閣外海風秋別將樓船自壯游萬里鼉鼉

通碣石千帆烏雀轉滄洲牙兵擁立頻相噬屬  
國供輸困未收今日東方聲問斷盈盈極目使  
人愁

其七

盧龍雄塞倚天開十載三逢胡騎來磧裏角聲  
搖日月回中烽色動樓臺陵園白露年年滿城  
郭青燐夜夜哀共道安危任樽俎卽今誰是出  
群才

其八

鄴下東秦蒼莽愁胡塵南犯幾時收誰移青海  
千群馬直飲黃河萬里流星動上台臨虎帳劍  
隨中使出龍樓好憑羽扇驅騎虜飛騎先寬

聖主憂

人日寄贈楊機部太史充東宮講官

玉樹朝暉接畫幡橫經青禁日臨軒鳳條已見

棲荀遂龍翰還應讓邠原

機部以講席讓子  
座師黃石齋先生綵

勝競傳春綺麗御香分賜夜清溫知君罷講西

池上可憶垂綸傍海門

送吳來之大行還 朝使晉歸也

雲泓春色夜鴻飛使者輜軒入 帝畿江上錦  
帆天際出河梁碧樹雨中微風陳晉乘干戈盛  
賦就吳都杼軸稀應有李恂圖畫滿 君王此  
日政宵衣

歸德侯朝宗書來盛稱我土人士之美兼  
慨世事詩以酬之

春風宛轉下平臺有客橫江尺素來雪苑舊推  
司馬賦雲間今愧士龍才東州評騭瑯玕重中

土愁驚鼓角哀歷難公卿年少事漢家宣室爲  
君開

丁丑除夜時予方廬居

暮紀冰紋動碧池柳條梅萼盡叅差風流漸覺  
傷心老豪頓應憐折節時故國已添新涕淚中  
原不改舊旌旗莫愁回首春光近永夜巖城玉  
漏遲

其二

去年此日渡沔河歷歷千山歸夢過一自淹留

丹闕久遂令遺恨白雲多寒梅北客誰堪寄春  
草南垓欲廢歌京洛故人能勗爾可知愁嬾易

蹉跎

是日得彥升  
書相勉甚切

寄仁和令吳坦公吳約予春明遊湖上也

坐擁青山一俊人板輿飛蓋曉湖濱常嚴劍佩  
迎朝貴更勅厨傳給隱淪湖上海門丹嶂夜雨  
來天目碧城春倦遊司馬新添病羨爾明粧好  
問津

立春

蘭皋草色展新晴無限條風紫陌情永夜金塘  
流不極今朝玉樹染還輕雲衢日麗烟花動霞  
席聲迴簫管平應有宜春宮裏綵一枝先得萬

年名

立春在  
誕前二日 聖

重遊弇園

放艇春寒島嶼深弇山花木政蕭森左徒舊宅  
猶蘭圃中散荒園尚竹林十二敦槃誰狎主三  
千賓客半知音風流搖落無人繼獨立蒼茫異  
代心

花朝戲作晚唐體

昨夜東風倚玉簫夢回無計又花朝  
綠屏曉色人初醒紅影輕寒粉暗消  
小語麝蘭吹閣道斷魂楊柳隔溪橋  
年年獨作傷心客不散春愁與翠翹

春汎震澤

碧草連天極望遙平湖漠漠進輕橈  
雲開群島浮春樹地鑿三江接夜潮  
風雨金支龍女過旌旗玉笈鬼神朝  
霸才寂寞鷗夷去滿眼烟波不

可招

辱李司馬萍槎先生贈詩勉以世事兼許  
文筆忽忽奉酬聊存知己之感

久瞻樞府重明光投我連城雲錦章傷亂已聳  
劉太尉賞音深愧蔡中郎九龍移帳春無草萬  
馬窺邊夜有霜蚤晚滄江驚驛使詔書先問右  
賢王

于忠肅祠

紫蓋烽烟竟不旋手持大計靖胡天北門虎卧

迴鑾日南內龍飛賜劍年山外怒濤歸碧海塚  
邊荒草像所連上皇猶想風雲際曹石功名  
倍黯然

錢塘東望有感

清溪東下大江迴立馬層崖極望哀曉日四明  
霞氣重春潮三浙浪雲開禹陵風雨思王會越  
國山川出霸才依舊謝公携伎處紅泉碧樹待  
人來

寄夏長樂彛仲

使君出宰下長安  
閩海南移地勢寬  
百粵山川屏上見  
九夷城堞鏡中看  
諸公久已期鳴鳳  
大邑還應化舞鸞  
知爾彈琴春色滿  
董峰千樹杏花寒

寄李惠安志軒

鳴臯酌醴訟庭幽  
閩嶠重瞻識李侯  
美女峰迷千嶂曉  
錦田山熟萬家秋  
珊瑚沉綠常無網  
荔子輕紅獨上樓  
莫問御屏題姓氏  
海天東望是瀛洲

送張訥叟給諫還朝

錦衣持節過江鄉，四牡旋歌入未央。  
暮雨九河青草色，曉雲雙闕碧梧香。  
勾吳飛輓頻年急，畫省封章此日長。  
張以督餉之江南知有午朝當獨對，可能無劍問安昌。

送方爾止還金陵將歸皖桐

舊京天闕倚雲看，送客秋河振羽翰。  
玉樹風殘三閣暮，石城潮上九江寒。  
管寧避地非無策，王粲從軍強自寬。  
寄語皖桐新幕府，好收奇計勦

登壇

寄答密之於金陵

昨夜雲中錦字開，月明應在鳳凰臺。論文河朔

無真氣，久客江東見異才。

密之謬稱子京師舊作

萬里風

烟愁我老，九秋魍魎傍人來。何時携手思公子，

芸採芙蓉薄暮迴。

密之書來甚愁淹人餘氣故有第六句

寄屠幼繩太史屠喜談兵以，大行改館職

異數也

池上芳風滿直廬，平明視草待金輿。赤帷嘗奉

甘泉使青簡新修東觀書薦士雲中誰第一勒  
銘狼望意何如應憐攜手論兵侶秋雨蓬蒿賦  
子虛

寄懷唐吳江瞿瞿

西川才子過揚雄案牘紛紜賦轉工橋直垂虹  
多夜月城連震澤起秋風吏稀白版擾鋤外坐  
撫朱絃騷雅中欲問故人良會少采蓴應到五  
湖東

送勒直游睢陽

鼓角連天露氣寒短衣躍馬渡江干迎人北雁  
秋風動廻首南雲夕照殘雕水亂流梁苑落黃  
河縈繞宋城看知君壯思生杯酒愁絕中原攬  
轡難

其二

孝王池館水潺湲萬里飛鴻下澤門昔日旌旗  
同漢殿至今賓客想梁園抽毫雪夜清樽滿放  
騎秋天荒草繁幾度平臺能悵望憐予偃蹇卧  
江村

八月宿山中荒園

松風一路引經過，滿院黃昏舊綺羅。  
露冷小山香氣重，月明荒榭夢愁多。  
輝輝人照螢皆去，肅肅烏啼夜若何。  
獨坐玉窻頻悵望，珠簾不卷爲秋河。

寄義興夏給諫

梧掖清陰碧幾重，燕山遙對五芙蓉。  
黃封夜靜端門月，青瑣秋高長樂鐘。  
雙引侍班多貴近，獨思補袞倍從容。  
馬曹舊有籌邊策，爲論呼韓未

偃烽

夏繇武部改諫官  
時有款虜之議

吳淞江口眺望

吳淞江上盡平疇  
蘆荻紛紛古岸頭  
祠廟衣冠荒白日  
川原雲物變清秋  
霜前落水當風急  
天際孤帆入暮愁  
湖海蕭條生浩歎  
十年戎馬隔中州

戊寅九日同開公舒章諸子登高之酌

平原連騎好經過  
極目亭臯倚放歌  
對酒獨憐新歲月  
登高無限舊山河  
城邊落日黃花暮  
隴

首秋雲白雁多醉裏雄談星劍動龍荒消息近  
如何

其二

龍山戲馬自奇才

舒章每慕此事

姑酌東籬酒滿杯禾

黍斜陽三徑斷風烟向晚百川開歸鴻落葉無  
時盡野女寒花相對哀獨憶美人秋水上白雲

一片隔荒臺

時招偉南以私忌不至

寄喬聖任侍御時按浙中

越王宮對海門開驄馬遙從北極來簪筆秋風

探禹穴行軒春樹轉天台百城豺虎應無迹萬  
里鯨鯢去不迴獨憶五雲方盱食更裁封事上  
蘭臺

送張子服遊楚中應王學憲之聘

張郎辭我游荊州十月迴風溯上流日落漢江  
橫北塞天晴衡嶽隱南樓菁茅舊俗周官重組  
練新師楚將愁世亂詞人易蕭瑟生平無計更  
依劉

其二

武昌城北枕江臯黃鶴磯頭楊柳高幕客向憐  
蠻府賤曲中誰識郢人勞京臺風敞齊紈素雲  
夢天寒秦復陶莫問峴山揮淚處湘絃愁絕爲  
君操

子服尊人宦沒楚  
中時服未除也

贈淮陽兵憲鄭潛菴年伯

廣陵城堞鬱嵯峨獵火旌旗夜渡河高壘獨懸  
星劍動澄江無恙錦帆過三年鼓角登樓暮十  
里烟花饗士多爲下璽書淮海郡禁中先已奏  
饒歌

其二

擊鼓椎牛海上奔，清秋落日水犀軍。  
盜從文紀車前散，險自元龍築後分。  
塞北風烟時借箸，淮南賓客盡如雲。  
可教萬騎趨陵闕，諸將甘泉

未策勲

時有虜警

贈洪洞韓水部還朝時值虜寇薊門

晚歲征鴻過上林，仙郎四牡日駸駸。  
詩成水部高何遜，氣蓋關中有季心。  
祖帳江梅驛使遠，楊旌朔雪戍樓深。  
五陵劍客知無數，此去雲霄慰

好音

戊寅除夕

朔吹寒花載酒過流澌一夜滿江湖音書斷後  
憑烽火歲月驚心長薜蘿五餌事虛龍帳入四  
愁歌遍雁門多請纓無計悲華髮徒作詞人奈  
爾何

其二

愁聽鼓角路漫漫相酒盈樽未忍乾楊子驛前  
頻問訊淖沱河上寄加餐

時虜警日急子無遣使從江上幕府問信

而予友楊伯祥方  
參盧司馬軍事  
鸞花豈獨滄江穩  
甲仗遙憐

太白寒虛擬明春  
遊五嶽那堪此夜憶長安

巳卯元日

王正雲物遍神州  
江外春風攬勝游  
貧擬揚雄  
能大度年如潘岳  
自多愁  
五陵佳氣終無改  
三  
輔兵聲迥未收  
此日金華應上壽  
至尊親爲  
掃旄頭

寄楊伯祥

堠火清笳夜月明  
漢家誰爲請長纓  
侍臣親下

承華殿大將分屯細柳營 御札頻頒中貴馬

龍韜悉護羽林兵 知君綵筆干雲氣 饒吹春風

滿百城

勒自從中州歸納董姬金陵人也作詩調

之

周郎新度洛陽街 歸路春風白鼻騮 每顧小喬

留一曲還聞阿杜銅雙釵

周盤龍事也

城東桃李常

相對

董嬌嬈事

山上蘼蕪且放懷 十四樓中明月盡

最憐生長在秦淮

送張鯢淵侍御巡閩還朝

節使南歸駕玉驄。都亭遙憶薊門東。  
澄清海甸千家雨。驅掃樓船萬里風。  
闕嶠霜威霄漢上。河橋春色鼓鼙中。  
知君向有吞胡策。幾度傳宣謁桂宮。

奉酬越大夫卓凡見贈之作

曾題名姓夜郎城。又向漁陽立漢旌。  
去病無家原爲國。信陵有客盡知兵。  
十年起舞宵暗萬里橫行。絕塞輕共嘆乾坤。  
方黯澹因君卮酒結。

生平

酬曹封丘楊咸

夷門傲吏楚江濱○紅錦相投及暮春○草檄我慚○  
吳部曲論詩君○冠魏詞人鼓鼙萬里愁搖落風○  
雅千秋寄隱淪○莫問新篇最離怨○七哀歌罷轉○  
傷神○

贈冒嵩少僉憲時冒薦邊才而長嗣襄爲

索五十壽詩

淮海風流常晏如○春風列戟盛簪裾○審才舊守

周官典賜履曾開魯殿書

月以吏部郎備兵兗州

向日乘

槎隨博望何妨推轂問居胥丈夫五十佩金印  
明月清樽羽蓋初

寄獻海道王兵憲

春卿舊禮盛文章橫海新軍擁大荒島戍風烟  
連日本樓船曙色轉扶桑潮開昌國蛟龍喜花  
滿明山檠戟光更值珠崖方議郡漢家遠略事

蒼茫

時有議開金堂山者

送徐九一太史還朝

紫氣青雲望直盧中原秋色錦帆舒依然朗月  
仙人掌爲副名山太史書故國十年多戰伐舊  
遊三省盛簪裾共誇連夜廻前席自此常應奉  
屬車

其二

偉長中論重詞林芳草鳴珂朔氣深宮裏賜衣  
傳夜月苑中開帙散秋陰天心久已思安攘吾  
道奚堪任陸沉莫以金門能避世蒼生何日見  
爲霖

寄問陳彥升太史時尊公大中丞以邊事

不獄

西宮玉樹隱葱龍弭筆從容待晚鐘誰使劄門  
纒大角遂令梁獄滯雙龍狗屠市上多相識漁  
父蘆中未易逢幸有舊恩通訟疏應憐短褐倍  
蒙茸

其二

漁陽節鎮復南冠塞月邊雲萬里寒異日功名  
誰魏尚此時賓客愧任安貴臣意重終難失

聖主恩深強自寬。公子不須頻叩關。會當飛檄

取三韓。

贈淮揚袁臨侯憲使

揚部旌門望斗邊。吳關千里靜烽烟。牙璋落日  
搖淮甸。玉帳秋風散楚天。海霧漫漫鳴畫角。江  
流歷歷下戈船。應知上客多詞賦。遙寄相思叢  
桂篇。

送楊龍友之青田令

括蒼松檜遠盤天。畫鷁輕帆暮雪前。傲吏青雲

連○桂○樹○美○人○明○月○在○芝○田○雙○溪○地○煖○耕○耘○蚤○手○  
嶂○官○閒○射○獵○偏○却○憶○十○年○中○夜○舞○風○烟○迴○首○各○  
茫○然○

己卯除夕

年○華○漸○與○壯○心○違○翠○栢○紅○椒○又○滿○扉○歲○月○有○情○  
多○惜○別○江○湖○無○地○可○忘○機○寒○梅○放○葉○常○相○媚○旅○  
鴈○騫○雲○好○共○飛○惟○奉○版○輿○將○進○酒○春○風○玉○管○送○  
斜○暉○

庚辰元日

陽谷瞳矐啓萬家兒童相率闔鉛華樽中已酌  
春前酒江上還舒臘底花襄漢旌旗高虎帳幽  
燕日月靜龍沙占風共識階平候野老先耕五  
色瓜

送張玉笥中丞擢河道少司空隨召陞

見

舊京開府靜牙璋詔領河堤入未央周室保釐  
分郊駟漢家底績念宣房九天星宿穿秦塞萬  
里梯航走冀方會語至尊南顧日不堪重問

海陵倉

其二

帝○奠○天○河○九○曲○清○司○空○持○節○薊○門○行○不○沈○白○馬○  
祠○川○后○自○負○黃○龍○苓○聖○明○葱○嶺○雪○消○春○漲○淺○  
蓮○峰○月○落○夜○濤○平○論○功○應○便○分○如○帶○禹○迹○茫○茫○  
萬○古○名○

送曾憲長霖寰年伯

漢庭高議漫悠悠楚客遙思賦遠遊季布一言  
何易罷樂羊兩篋有誰收時清自棄連城壁遇

險終須萬斛舟莫倚珊瑚釣滄海還應回首鳳  
皇樓

壽梁溪封太史馬公

扶風今日見耆英六代崇儒舊有聲  
欵段少游違大志絳紗子幹是諸生  
曾收孔壁遺經在新  
錫龍門世史名更喜家山通玉乳  
金莖一勺佇  
寬旌

登岱

懸崖絕磴問真源  
珠館瓊臺祀上元  
霞散遙萊

搖日觀風連閭闔啓天門練光欲接銀河影金  
液常寒玉女盆七十二君皆寂寞不知何處拜  
軒轅

其二

千盤直上氣漫漫凌兢高涼振羽翰碧海未迴  
秦帝使白雲更起武皇壇星辰夜逼金泥動風  
雨朝驚玉輦寒司馬莫誇工作頌漢家無事整  
和鸞

湘真閣稿卷之六

華亭陳子龍懋中著

七言律詩

8 揚州

淮海名都極望遙。江天隱見隔南朝。青山半映瓜洲樹。芳草斜連楊子橋。隋苑樓臺迷曉霧。吳宮花月送春潮。汴河盡是新栽柳。依舊東風恨未消。

壽蘇松宋兵憲

三吳憲府得名賢籍甚家聲海岱前鳳閣舊傳  
雄綵筆虎符重起護樓船帳中甲士魚麗陣幕  
下諸生桂樹篇坐酌紫微須上佐閭風玉女自  
嬋娟

高郵州

孤城日落佇中流大澤雲生動戍樓國繞芙蓉  
平萬堞水分桐栢浸三洲秦臺地迴魚龍靜楚  
樹天低鸛鶴愁欲採明珠何處是驚濤無限海  
西頭

河間

滹沱河上又徵兵粉堞牙旗擁漢京帝子樓臺  
通北極仙人宮闕近東瀛寒烽百道雲中出古  
木千重海岸平胡馬一來沙月暗幾回清角動  
邊聲

送吳來之膳部請告還江東

南宮槐柳政鳴鑾東海蒹葭憶掛冠漢署爲郎  
稱意少楚江作客獨醒難比隣共拾金光草同  
舍相思玉露盤莫羨清時能卧病茂陵原自近

長安

贈文啓美中舍

紫氣黃雲抱漢關。金門詞客共追攀。  
羈坡世掌圖書府。雞樹新聯供奉班。  
自是枚臯來兔苑。非因楊意識龍顏。  
知君諷諫多忠愛。西殿徘徊夜未還。

飲集水關

星河仙液泛金卮。漢鑿昆明備水嬉。  
樓閣斜連玄武闕。波濤常繞鳳凰池。  
當風羅綺珠簾迥。向

晚芙蓉玉露垂忽憶相如賦中語還看落日隱  
西陂

重遊萬都尉園亭

鳳凰樓上接離宮貴主亭臺霄漢中烟散錦屏  
陰洞曉雨殘花塢綺筵空朱門斜帶金溝影畫  
閣微交玉樹風漫擬輕裝隨俠少平陽羽騎五  
陵東

往城西訪史道隣中丞不值

園在夕月壇側

城西時裏白雲飛開府園林對落暉荆楚奇材

多舊部江淮保障藉餘威傳書黃石嘗晨出較  
獵藍田每夜歸匹馬從公不相遇異時旌蓋托  
光輝

贈方密之進士

故人射策未央官何事蕭條燕市東四海交遊  
誰是石五侯賓客盡如風孤臣莫上緹縈疏  
聖主終明魏尚功指日湛恩還滌戟期君再世  
有彤弓

送吳魯岡比部恤刑廣東

羊城海外古要荒斗野星移憲府郎詔到日南  
頒漢法使從天上恤蠻方澆銷銅柱先春暖月  
朗朱崖金夜光借問陸生能服粵何如祝網報  
明王

五日賜棕擬應制

五日傳宣勅御尉鳳樓張帳奏笙竿白春鉤看  
日中米青裏昆明苑裡孤風動石榴飄玉盤香  
凝昌獸冷水壺加餐深媿糜天饌多黍還期賜  
大酺

賜扇擬應制

漸臺涼室接西清，象轂金銀下玉京。  
貢自錦官城內出，賜來明月手中生。  
超朝障霧飛花重，退食當風拂袖輕。  
聳道南薰終歲有，無分寒暑佐昇平。

都下雜感

帝里交遊十載餘，蒹門景色定何如。  
眼中不見悲歌士，懷裏空懸痛哭書。  
阿世久知長孺拙，微官敢道曼容疎。  
莫將襟抱傾人意，放論高談憶

故廬

其二

榆關山險通烽火，巫峽雲深亂鼓鼙。  
不見雄風生楚甸，忍看明月照遼西。  
涓人苑裏牙旗動，緹騎城邊玉勒齊。  
携酒欲尋行樂地，登高客思轉淒迷。

其三

趙徵燕山不可分，鄉關極目思紛紛。  
愁中紫塞三更角，夢去滄江萬里雲。  
東觀有書誰彊記，西

園無侶憶離群  
繇來作客輕詞賦  
莫薦相如善

蜀文

其四

謂漳浦也

側身南望涕縱橫  
海上浮雲掩碧城  
折檻終能寬直節  
杜門猶是坐高名  
鷓鴣啼瘴炎天遠  
鴻鴈飛沙北地情  
明主憐才原不薄  
無煩九辯慰生平

遊天壇外垣

南郊闐闐肅  
高第策馬繚垣  
騁望情玉殿  
參差

宮樹隱金莖縹緲時雲手中星  
五夜迴龍馭麗日子門對鳳城  
知有吾皇隆祀典祠官松下  
學吹笙

喜袁臨侯開府鄆陽却寄

開府旌旃鎮鄆襄論功何似杜  
當陽檄書倚馬銷金甲賓從投  
壺佐玉觴玄嶽本朝藏簡牒漢  
江天上借輝光西南十載無真  
氣自此嘗應靖虎狼

贈周其章黃門

明光發策帝臨軒  
自拔周堪漢署尊  
入殿正當玄武仗  
瞻星嘗近紫微垣  
捧書月色侵青瑱  
起草松風對掖門  
從古夕郎清切地  
每朝獻納奉君恩

輓萊陽宋五河使君

十年玉札寄丹丘  
京洛從容此唱酬  
書報燕關雲黯黯  
香迷聚窟水悠悠  
家留禪草投明主  
夢裏修文憶舊遊  
愁聽田橫山外笛  
招魂獨夜海風秋

8

官燕

紫宮三月翠樓開。雙燕翻飛去復回。掠水每穿  
清暑殿。舞衣偏遶避風臺。龍池雨後披簾見。鳳  
輦香過拂蓋來。歲歲巢君金屋裏。托身還在柏  
梁材。

8

宮柳

楊柳青青落御溝。苑牆寂寂曉鶯流。輕黃萬樹  
平金掌。晴綠千門上。玉鉤曙後和烟籠。羽仗春  
深帶雨暗。龍樓六宮隨處花如雪。但到昭陽不

愁

德勝橋

碧海銀河一線流星橋  
玉柱駕中洲  
菰蒲色映西山暮  
楊柳風分上苑秋  
跨渭曾聞馳御馬  
析津今擬渡牽牛  
莫誇勝地連靈囿  
儉德無心物外遊

8 宋廷尉九青先生極稱舒章詩又謬賞鄙

作賦此以慰舒章

詞壇久已托光輝  
大雅於今正式微  
慚我方爲

乃筆吏憐君長著芟荷衣不逢季札誰能采。自  
有鍾期莫嘆稀。寄語幽人空谷裏。好將白雪事  
金徽。

寄懷徐闇公

對客嘗稱徐孺子。共驚猶是魯諸生。飄零顧子  
同王粲。狂簡何人薦禰衡。啓事漸輕三府辟。宦  
遊每借五侯成。唯應梅尉辭官後。與俱同高吳  
市名。

送包長明年丈出牧羅定

河朔三春並繼旋  
目南萬里剖符偏  
職方新啓諸羅境  
收伯今來大國賢  
北界泉爲吳隱變  
東方經自長卿傳  
莫愁聖主忘蠻郡  
看爾徵書嶺外懸

寄贈曹州劉大將軍

將軍夙挽繡螭弧  
家本安東俠者徒  
結客能傾四公子  
論兵欲繫五單于  
門前獵騎金腰褭  
帳下材官玉轡驢  
此日君王方拊髀  
可無鳴劍向伊吾

初出都門

灞橋花下送驪歌○官柳深陰夾道過○去路風烟○  
鄉思切望中雲日客愁多○西山翠靄凝金闕○南○  
內青槐蔭玉河○從此通宵瞻北極○幾回清夢到○  
鳴珂○

過高唐有郭生者云聳余至候數日矣遂  
以酒饌相餉

齊右荒城月復清○勞歌四起旅魂驚○主人虛左○  
端冠佩客子停車問姓名○亂後盤飧難得味○愁○

來孟草易爲情獨憐明發風塵路橫斗殘星班  
馬鳴

塗中見西南徼外諸夷貢使而作

征西躍馬下西川  
戊巳重開磧外天  
銅鼓盡庭  
叩笳長玉門遠  
種月氏田  
百年貢賚從王會  
萬  
里馳傳到日邊  
使者無煩金馬頌  
漢家自有白  
狼篇

會通河

帝宅崔巍枕薊丘  
穹漦中劃大荒  
浮沚從漳衛

東西合源出萊蕪南北流千里舳舻趨甸服萬  
方筐篚灌神州平江帶礪功如舊少府金錢第  
一籌

其二

少陽蒼翠總青齊百道飛泉盡向西岱嶽雲興  
燔玉壁黃河水溢護金堤渠穿地底龍嘗蛭帆  
掛天中鳥夜啼萬古轉輸終不改更煩滄海問  
鯨鯢時有海運之議

舟中七夕作

璇室深寒雲錦高奔龍香冥擁旌旄可知雕鵲  
非精衛莫遣黃姑似伯勞碧海有光流沆瀣銀  
河無影落風濤最憐永夜臨秋水不見明珠弄  
漢皋

贈揚州守馮玄度

三年西省一麾輕淮海春雲五馬情安石風流  
嘗作牧元龍意氣此專城廣陵濤合熊轡過甓  
社珠還鷁首明借問清時誇領郡何人不讓大  
馮名

五言絕句

滕縣道中

落日覆平沙，垂楊夾道斜。  
幾回躍馬地，前度不思家。

途中

策馬望鄉關，浮雲去不還。  
明朝回首地，又隔幾重山。

其二

屈指淮上書，故人應已覲。  
那知百種愁，都在緘。

書後

放生詩魚鳥各得一絕

何與投竿事千秋耻渭川還將江海意浩蕩甲  
兵年

其二

本厭樊籠性春風試羽翎應知斥鷃樂無異徙  
南溟

七言絕句

雲中邊詞

燕然山上拂雲堆北望胡天大漠開  
磧裏角聲吹落日單于千帳一時回

其二

黃河三月未東風白草連山野火紅  
虜馬莫移青海帳漢家飛將在雲中

其三

隆慶年中將相勞穆皇宮苑有葡萄  
胡兒不惜青驪馬漢使惟頽紅錦袍

其四

卜酋西保賀蘭山女直東連未肯還寄語五原  
諸將帥秋風莫閉鴈門關

其五

大同女兒顏如花十五學得箏琵琶莫向中宵  
彈一曲清霜明月盡思家

上谷邊詞

塞雲千里帶皇畿不盡連山鎖翠微詔發金  
錢營獨石可知烽火夜來希

其二

文皇三度出開平  
黑霧黃旗繞御營  
已表陰山爲漢壘  
莫令北斗近邊城

其三

期門小隊出回中  
帥府旌旗動地紅  
武帝神遊應汗漫  
黃榆夜夜起秋風

其四

險到居庸地脉分  
何須常戍羽林軍  
關門夜抱千峰月  
陵墓春生五色雲

寧前邊詞

榆塞關邊榆樹林錦州城外錦川溪千帆北轉  
敖倉粟萬騎東馳少府金

其二

八城亦是古遼西大纛高牙萬馬齊壯士錦衣  
行樂地十年無夢到春閨

其三

將軍醉舞古輪臺十隊紅妝次第開若憶遼陽  
舊風月綺羅如霧錦成堆

其四

昨夜寧前大點兵金璫鐵騎萬人行黃封勅使  
追驕虜旗號遙分忠勇營

歲暮懷舒章

北風動地滿燕關天外孤鴻去未還匹馬桑乾  
河上夜一輪明月萬重山

其二

悲歌一曲棄繻生灩灩龍文匣裏明燕市樓臺  
三十萬不知何處有荆卿

其三

南城榆柳鬱蒼蒼繞樹啼鳥落日黃此地朔風  
吹不盡因君短褐更飛霜

其四

壯士辭宗意若何風塵無計更婆娑知君舊有  
平胡策漢署於今待詔多

其五

北地胡姬錦作茵江南才子玉嶙峋樽前白苧  
思無限眼底黃金愁殺人

其六

郢中高唱本蒼涼子去風流欲斷腸惟有多情  
憐宋玉紫簫一夜滿三湘

舒章行後子與轅文  
小有酬和

其七

故人高卧白雲廬海內交遊盡索居不得與君  
同嘆息縱陽昨日數行書

時得密之書

其八

十年比翼共徘徊薄暮橫雲萬里開昨歲子遊

剡子國

去冬盡予  
在剡城

今春君上郭槐臺

上元送內弟張子服遊邵陵

清江月 十五  
輕帆春色洞庭遲  
西上楊花滿路吹  
莫對啼猿  
便相憶  
雨中微月送君時

其二

傾盡金巵問渚宮  
江城燈火碧雲中  
何堪繡被  
焚香夜  
面面衡湘帶曉風

其三

蕭條兵氣沅江濱  
君到桃源及暮春  
我亦玄都  
舊賓客  
煩將名姓問秦人

其四

春雨瀟湘夜色開  
江風吹雁度章臺  
知君淨掃雲根石  
寫盡相思在碧苔

八

寒食雨

繡野春樓動地紅  
美人遙夜玉鈴風  
凭欄盡日常無語  
相對殘花細雨中

寄宣城令余賡之

江上明霞疊翠封  
宛溪如玉浸芙蓉  
使君暇日清樽動  
相對陵陽第幾峰

其二

宣州春色帶南畿爲政風流花滿扉更得錦箋  
多麗句青山還屬謝玄暉

賀尚木生子

畫閣微涼繡襦紅一枝玉樹動春風知君勉就  
封侯業已有傳經韋少翁

其二

鳴珂舊里玉泠泠灑酒臨風花滿庭借問荀家  
衆賓客可知文若是何星

予讀書池上屢有金蒂芙蓉戲題一絕

宛轉橋頭金帶花秋波不到莫愁家浣紗人去  
紅粧盡惟有鴛鴦在若耶

贈章沔陽

地連湯沐本皇州雲夢蒼茫萬里秋千騎上頭  
桑柘裏專城江漢古諸侯

其二

遶郭洪波設險成秦關楚塞莫橫行少年州將  
蓮花鏑古戍秋高却月城

送偉南遊匡廬

落木孤帆秋色中橫江西訪大明公博山爐頂  
騎鸞女怪爾新乘萬里風

其二

長江九派圻荆揚秀出芙蓉倚大荒君聽東林  
鐘磬夜清霜明月滿潯陽

其三 春遊曲

夾道垂楊隱絳紗吳姬勸酒白日斜勸君努力  
醉花下明日還來看落花

其二

十五女兒上春隄。桃花李花相對齊。東風漠漠  
爲誰起。弱柳千條盡向西。

歸雁

一片征鴻背日飛。江南洲渚送將歸。春風萬里  
無消息。二月陰山雪滿衣。

邵伯驛

迢遞新城甲仗樓。胡床獨坐望神州。當年一曲  
東山妓。明月清淮萬古愁。

渡易水

并刀昨夜匣中鳴。燕趙悲歌最不平。易水潺湲  
雲草碧。可憐無處送荆卿。

登鄭州廢城

鄭縣荒城烽火樓。平湖迢遞帶幽州。太行東去  
連滄海。一抹蒼烟萬里愁。

鄭州堤上

菖蒲花發柳毵毵。白鷺青鳬亂碧潭。無限客愁  
消不得。爭如夢裏憶江南。

雄縣

茫茫易水古雄州  
畫角清笳滿戍樓  
咫尺薊門雲五色  
莫將明月動邊愁

宿桑乾

小黃河上客  
衣單楊子津  
頭別淚殘夢裏  
莫隨江水去  
春潮原不到桑乾